



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐՄԱՎԻՐԻ ՄԱՐԶԻ
ԱՐՄԱՎԻՐ ՀԱՄԱՅՆՔԻ ՂԵԿԱՎԱՐ

09 հունիսի 2026թ.

ԾԱՆՈՒՑՈՒՄ

Պայմանագիրը ամբողջությամբ միակողմանի լուծելու մասին

«Բոռա» ՍՊԸ-ի տնօրեն
Գևորգ Պողոսյանին

Հարգելի Գ. Պողոսյան,

ՀՀ Արմավիրի մարզի Արմավիրի համայնքապետարանի (այսուհետ՝ Պատվիրատու) և «Բոռա» ՍՊԸ-ի (այսուհետ՝ Կապալառու) միջև 2026թ.-ի ապրիլի 23-ին կնքվել է ԱԲ-ԳՀԱՇՁԲ-26/13 ծածկագրով գնման պայմանագիրը (այսուհետ՝ Պայմանագիր): Պայմանագրի շրջանակներում Կապալառու կազմակերպությունը ստանձնել է ՀՀ Արմավիրի մարզի Արմավիր համայնքի ասֆալտածածկ փողոցների ընթացիկ նորոգման աշխատանքների կատարման պարտավորությունը (աշխատանքների կատարման ավարտ՝ 02.06.2026թ.): Սահմանված ժամկետում աշխատանքների կատարումը չի սկսվել, մինչդեռ պատվիրատուի կողմից եղել են բազմաթիվ գրություններ:

Հաշվի առնելով վերոգրյալը և հիմք ընդունելով Պայմանագրի 3.1.4՝ Պայմանագիր կնքած անձի կողմից ստանձնած պարտավորությունները չկատարելու հիմքով ՀՀ Արմավիրի մարզի Արմավիրի համայնքապետարանը հարկադրված է 2026թ.-ի հունիսի 10-ից Պայմանագիրը ամբողջությամբ միակողմանի լուծել: Պատշաճ ծանուցումն ապահովելու նպատակով կիրառել ՀՀ կառավարության 04.05.2017թ. թիվ 526-Ն որոշմամբ հաստատված գնումների գործընթացի կազմակերպման մասին կարգի 33-րդ կետի 17-րդ ենթակետով սահմանված դրույթները:

Միաժամանակ հայտնում ենք, որ Վաճառողին տրվում է 5 աշխատանքային օր՝ որակավորման և պայմանագրի ապահովումները՝ համապատասխանաբար 2999403 (երկու միլիոն ինը հարյուր ինսուսունինը հազար չորս հարյուր երեք) ՀՀ դրամի և 1999602 (մեկ միլիոն ինը հարյուր ինսուսունինը հազար վեց հարյուր երկու) ՀՀ դրամի չափով վճարելու համար: Փոխանցումը անհրաժեշտ է կատարել Գնորդի բանկային հաշվին (ՀՀ Ֆինանսների նախարարություն 900335201183):

Սահմանված ժամկետում փոխանցումը չկատարելու դեպքում պարտավորվում ենք որոշում կայացնել «Գնումների մասին» ՀՀ օրենքի 6-րդ հոդվածի 1-ին մասի 6/ա կետի համաձայն «Բոռա» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով:

ՀԱՄԱՅՆՔԻ ՂԵԿԱՎԱՐ



Վ. ՍԱՐԳՍՅԱՆ